

Sarajevo, 20-06-2025

Broj: 73-11-7-21221

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj 73-33-4-20675-3 od 18.06.2025.godine, V.D. Generalnog direktora donosi:

### ODLUKU

o izboru najpovoljnijeg ponuđača za

### „Nabavku rezervnih dijelova i održavanje vatrodojavnog sistema SIEMENS“

#### I

Prihvata se prijedlog Komisije za javnu nabavku, **Izvještaj broj 73-33-4-20675-3 od 18.06.2025.godine**, za postupak „Nabavke rezervnih dijelova i održavanje vatrodojavnog sistema SIEMENS“, nakon provedenog konkurentskog zahtjeva sa Obavještenjem o nabavci broj 893-7-1-221-3-609/25 od 04.06.2025.godine, da se donese Odluka o izboru najpovoljnijeg ponuđača i **okvirni sporazum u trajanju od 12 (dvanaest) mjeseci** dodjeli ponuđaču **Arcus d.o.o. Sarajevo**, u iznosu **od 40.000,00 KM bez PDV-a**, u skladu sa osiguranim/obezbjedenim sredstvima za predmetnu nabavku, a sve prema dostavljenoj ponudi broj 252-D-2025 od 10.06.2025.godine (KCUS broj 10-11-3-20031 od 11.06.2025.godine), odnosno prema jediničnim cijenama iz navedene ponude.

#### Osnovni elementi okvirnog sporazuma:

- Vrijednost okvirnog sporazuma: **40.000,00 KM bez PDV-a + PDV 6.800,00 KM = 46.800,00 KM sa PDV-om;**
- Cijene su nepromjenjive za cijeli ugovoreni period okvirnog sporazuma u trajanju od 12 (dvanaest) mjeseci odnosno do utroška maksimalne ugovorene vrijednosti sporazuma;
- Plaćanje ugovorenih obaveza vršit će se odgođeno u roku **60 dana** od dana isporuke, ugradnje rezervnog dijela/pribora /materijala i/ili servisne usluge te ispostavljanja fakture;
- Rok isporuke rezervnih dijelova je do 15 kalendarskih dana od dana potpisivanja pojedinačnog ugovora i prijema narudžbenice;
- Garancija na specificiranu opremu i usluge održavanja/servisiranja iznosi 12 (dvanaest) mjeseci.

#### II

Izabrani ponuđač **Arcus d.o.o. Sarajevo**, sa sjedištem u ulici Bulevar Meše Selimovića br. 81A., 71 000 Sarajevo, je dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14, 59/22 i 50/24), te iste nije u obavezi ponovno dostavljati.

#### III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

### OBRAZLOŽENJE

U skladu sa Odlukom o pokretanju postupka javne nabavke broj 73-04-4-18215 od 27.05.2025.godine, pokrenut je postupak za **„Nabavku rezervnih dijelova i održavanje vatrodojavnog sistema SIEMENS“**. Procijenjena vrijednost nabavke iznosi **40.000,00 KM bez uračunatog PDV-a**, a sredstava su planirana Planom javnih nabavki za 2025.godinu, pod klasifikacijom **Robe, redni broj 214**. (Odluka o usvajanju Plana JN KCUS-a za 2025.godinu, broj protokola 65-04-2-3674 od 29.01.2025.godine).

Predviđeno je zaključivanje okvirnog sporazuma u trajanju od 12 mjeseci, a uslovi plaćanja predviđeni za postupak nabavke su odgođeno plaćanje 60 dana po ispostavljenom računu (na osnovu akta Sektora za finansijsko, knjigovodstvene i planske poslove br. 56-11-3-5515 od 12.02.2025.godine). Za navedeni postupak nabavke je također predviđeno provođenje e-aukcije.

Prema tenderskoj dokumentaciji predmet nabavke je „Nabavka rezervnih dijelova i održavanje vatrodojavnog sistema SIEMENS“. Kriterij vrednovanja ponuda je najniža cijena. Na osnovu obavještenja objavljenog na portalu e-nabavke pod brojem 893-7-1-221-3-609/25 od 04.06.2025.godine, tendersku dokumentaciju za postupak javne nabavke preuzelo je 10 (deset) potencijalnih ponuđača, a do 17.06.2025.godine do 09:30 sati na Protokol KCUS-a blagovremeno je dostavljena 1 (jedna) ponuda što je evidentirano i Zapisnikom o zaprimanju ponuda 73-33-4-20675 od 17.06.2025.godine:

Red. broj ponude	Naziv ponuđača	Ponuda broj i datum	KCUS broj, datum i vrijeme prispjeća ponude	Zbir jediničnih cijena bez PDV-a (KM)
1.	<b>Arcus d.o.o. Sarajevo</b>	252-D-2025 od 10.06.2025.godine	10-11-3-20031 od 11.06.2025.godine u 10:21 h	<b>22.631,61</b>

*Saku Orlan*

Uzimajući u obzir činjenicu da je Ugovorni organ u sklopu tenderske dokumentacije jasno definisao da se radi o okvirnom sporazumu za period od 12 (dvanaest) mjeseci, za koji nije u mogućnosti predvidjeti i odrediti tačne količine dijelova/usluga koje su mu potrebne za vrijeme trajanja okvirnog sporazuma, odnosno da će se okvirni sporazum zaključiti u skladu sa obezbjeđenim /osiguranim finansijskim sredstvima za ovaj predmet nabavke u iznosu od 40.000,00 KM bez PDV-a, prikazani iznos u prethodnoj tabeli predstavlja zbir jediničnih cijena iz ponude koji bi se koristio kao osnova za odabir najpovoljnijeg ponuđača u slučaju prijema dvije i više ponuda kao i u postupku e-aukcije.

U skladu sa navedenim, tj. da je pristigla samo jedna formalno-pravno i tehnički ispravna ponuda, okvirni sporazum se zaključuje na osnovu osiguranih/obezbjeđenih finansijskih sredstava za ovu predmetnu nabavku u iznosu od 40.000,00 KM bez PDV-a, a tačne količine potrebnih rezervnih dijelova i usluga ugovorni organ će definisati prilikom potpisivanja pojedinačnih ugovora i izdavanja narudžbenica, obzirom da se radi o okvirnom sporazumu.

### **Analiza dostavljene ponude**

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom broj 73-11-7-20577 od 16.06.2025.godine, je detaljnom analizom dostavljene dokumentacije za predmetni postupak nabavke, Zapisnikom o pregledu i ocjeni ponuda broj 73-33-4-20675-2 od 18.06.2025.godine, konstatovala **da dostavljena ponuda ispunjava uslove definisane tenderskom dokumentacijom**, odnosno da ispunjava formalno-pravne i tehničke zahtjeve, te je također izvršila i računsku provjeru ponude pri čemu nisu ustanovljene greške i jednoglasno donijela zaključak da je dostavljena ponuda **prihvatljiva i može učestvovati u daljem toku natjecanja**.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korišten e-aukcije, (Službeni glasnik BiH br. 80/23) član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, Komisija predlaže da se za „**Nabavku rezervnih dijelova i održavanje vatrodojavnog sistema SIEMENS**“ postupak okonča u skladu sa članom 69. 1) a) ZJN (Sl.glasnik BiH br. 39/14, 59/22 i 50/24).

Obzirom da je u navedenom postupku nabavke zadovoljena transparentnost, Komisija je jednoglasno dala prijedlog Ugovornom organu putem **Izveštaja broj 73-33-4-20675-3 od 18.06.2025.godine**, da se nakon provedenog konkurentskog zahtjeva sa Obavještenjem o nabavci broj 893-7-1-221-3-609/25 od 04.06.2025.godine, za „**Nabavku rezervnih dijelova i održavanje vatrodojavnog sistema SIEMENS**“ donese Odluka o izboru najpovoljnijeg ponuđača i **okvirni sporazum u trajanju od 12 (dvanaest) mjeseci** dodjeli ponuđaču **Arcus d.o.o. Sarajevo**, u iznosu **od 40.000,00 KM bez PDV-a**, u skladu sa osiguranim/obezbjeđenim sredstvima za predmetnu nabavku, a sve prema dostavljenoj ponudi broj 252-D-2025 od 10.06.2025.godine (KCUS broj 10-11-3-20031 od 11.06.2025.godine), odnosno prema jediničnim cijenama iz navedene ponude.

Prijedlog Komisije je prihvaćen i donijeta je odluka kao u dispozitivu.



**D. GENERALNOG DIREKTORA KCUS-a**

*[Handwritten signature]*  
**Prof.dr Hajrija Maksić**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri, te u skladu sa izmjenama i dopunama Zakona o javnim nabavkama, („Službeni glasnik BiH”, br. 50/24), Žalitelj je obavezan dostaviti validan dokaz o plaćenju naknadi za pokretanje žalbenog postupka

Dostaviti:

- Ponuđačima
- Služba za javne nabavke
- a/a KCUS

*[Handwritten signature]*